

უკრაინის საპატრიარქო პატრიარქ ფილარეტს კორონავირუსი დაუდასტურდა



უკრაინის საპატრიარქო პატრიარქ ფილარეტს კორონავირუსი დაუდასტურდა. ამჟამად ის მკურნალობის კურსს საავადმყოფოში გადის. „უნიანის“ ინფორმაციით, ამის შესახებ უკრაინის მართლმადიდებელი ეკლესიის კიევის საპატრიარქო იუწყება.

„პატრიარქ ფილარეტს გეგმური ტესტირების დროს, „კოვიდ-19“ დაუდასტურდა. ამჟამად მკურნალობის კურსს საავადმყოფოში გადის. მისი ჯანმრთელობის მდგომარეობა დამაკმაყოფილებელია“, – აღნიშნულია საპატრიარქოს ინფორმაციაში.

უკრაინაში ბოლო დღე – ღამის განმავლობაში, კორონავირუსის 2723 ახალი შემთხვევა გამოვლინდა, რაც ყველაზე დიდი მაჩვენებელია პანდემიის მთლიანი პერიოდის განმავლობაში. მთლიანად, 4 სექტემბრის მონაცემებით, ქვეყანაში 130 951 შემთხვევა დაფიქსირებული.
